





7109

AUG.

CORONA

DOMINI

SALVATORIS NOSTRI

JESU CHRISTI,

*juxta ritum & usum*

Patrum Eremitarum

Camaldulensium,

S. ROMUALDI,


*Devotis aspirationibus,*

Cum additamento Litaniarum, &  
variarum Orationum piarum de

Passione Domini,

CONTEXTA:

*Cum licentia Superiorum.*



V I L N Æ

Typis S.R.M. Academ: Soc: FESU, 1753.






Re imprimatur.  
Michaël Episcopus  
Aug. 7109 mmp.

1967 D 79 St. Dr.

Bibl. Jag.



# MODUS

Recitandi Coronam

Domini Nostri Salvatoris

JESU CHRISTI.

*Per signum Crucis de inimicis nostris,  
Libera nos DEUS noster.*

*℣. Benedices Coronæ anni benignitatis tuæ.*

*℟. Et campi Tui replebuntur ubertate.*

*Veni Sancte Spiritus, &c.*

*Oratio præparatoria.*

**O** Pater Clementissime misericordiarum, & DEUS totius consolationis, qui ex abundantia charitatis Tuæ dedisti nobis Unigenitum, ac dilectissimum Filium tuum; ut omnis qui credit in eum, non pereat, sed habeat vitam æternam: benedicas, quæso, Coronæ annorum, & vitæ Sanctissimæ ejusdem dilecti Filii Tui; ut labia mea repleantur ubertate gratiæ tuæ, ad recolendam dignè & devotè laborum & dolorum ejus memoriam, quam ego offerre intendo, ad æternam Nominis tui Sanctissimi gloriam; in meam, & totius Ecclesiæ militantis u-

ullitatem; in unione perfectissimæ illius  
attentionis, & ardentissimæ charitatis,  
quâ te pro nobis Idem Filius exoravit  
& laudavit perfectissimè in terris: Qui  
tecum vivit & regnat in unitate Spiritûs  
S. DEUS, per omnia sæcula sæculo-  
rum, Amen.

P R I M Æ D E C A D I S

*Ave MARIA &c.*

O R A T I O.

**O** Speculum sine macula, Sanctissima  
Virgo MARIA, laudo, saluto, ac  
obsecro Te, per dulcissimum Cor JESU  
Christi Filii tui amantissimi, quem tu  
de Spiritu S. conceptum, in utero tuo  
castissimo novem mensibus gestasti, &  
illæso Virginitatis flore genuisti, solícite  
fovisti, & educasti: impetra mihi ab eo  
peccatorum meorum veniam, cordis &  
corporis perfectam puritatem; ut sim ex  
eo numero, quorum animas dulcissimus  
Natus tuus dignatur inhabitare.

*Pater noster, &c.*

**O** JESU dulcedo cordis mei, per im-  
men-



mensam illam dulcedinem charitatis  
tuæ, quæ te de cœlo traxit in uterum  
Virginis: descende in cor meum per gra-  
tiam tuam, & fac me unum tecum in  
æternum, Amen.

*Pater noster, &c.*

**O** JESU fons omnis Sanctitatis, per  
gratiam illam, quâ visitans Elisabe-  
tham, Joannem in utero ejus sanctificâ-  
sti; sanctifica cor meum, & ejecta omni  
malitia, reple illud gratiâ tuâ, Amen.

*Pater noster, &c.*

**O** JESU Verbum pro nobis Caro fa-  
ctum, per pauperrimam tuam in Be-  
thleemitico præsepio Nativitatem; fac,  
ut nova tua per carnem nativitas, me a  
vetusto peccati jugo liberet, Amen.

*Pater noster, &c.*

**O** JESU humilium celsitudo, per tu-  
am pauperrimis Pastoribus cœlestis  
militiæ concentu manifestationem; fac  
pauperem, simplicemq; spiritu, ut gra-  
tiâ tua, quam humilibus confers, dignus  
inveniar, Amen.

**O** JESU, cujus Nomen super omne nomen, per tuam innocentissimam Circumcisionem, & dulcissimi Nominis JESU impositionem, abstrahe cor meum ab omnibus, ut omnis creatura mihi vilesceat, & tu solus cordi meo dulcescas, A.

*Pater noster, &c.*

**O** JESU candor lucis æternæ, per tuam à tribus Magis stella duce adorationem; illumina animam meam, eamq; verâ tui ac mei cognitione perorna, Amen.

*Pater noster, &c.*

**O** JESU lumen ad revelationem gentium, per tuam in templo Salomonis oblationem, doce me facere voluntatem Tuam? ut me tibi in omnibus perfectè semper offeram, & resignem, Amen.

*Pater noster, &c.*

**O** JESU refugium nostrum, per tuam in Ægyptum ab Herodis persecutione fugam: concede ut omnia, quæ me à te avertunt, fugiam, & in omni tribulatione Tibi adhæream, Amen.

*Pa-*



JESU Christi.

*Pater noster, &c.*

**O** JESU Sapiencia, quæ ex ore Altissimi prodiisti, per tuam in medio Doctorum inventionem; fac, ut te ardentissimo semper desiderio quæram, & ex invento hic & in æternum gaudeam, A.

*Pater noster, &c.*

**O** JESU in laboribus à juventute tua per humillimam Parentibus tuis subjectionem; da, ut omnibus propter te libenter me subjiciam, nesciri & contemni diligam, Amen.

SECUNDÆ DECADIS

*Ave MARIA &c.*

O R A T I O.

**O** Deliciosissimū Divinitatis tabernaculum, Purissima Virgo MARIA, laudo, saluto, & obsecro te per dulcissimum Cor JESU Christi Filii tui amantissimi; qui pro mea, & totius mundi salute varis laboribus, jejunis, itineribus, prædicationibus, persecutionibus, defatigari voluit; impetra mihi ab eo, ut pro amore ipsius, & animæ meæ salute, quoscunq;

A4

la-

labores libenter suscipiam, & in bonis operibus usq; ad finem vitæ per gratiam ipsius perseverem, Amen.

*Pater noster, &c.*

**O** JESU Agnus sine macula, per tuum in Jordane per manus Joannis Baptismum, emunda animam meam perfecte, & restitue mihi innocentiam, quam in baptismo contulisti, Amen.

*Pater noster, &c.*

**O** JESU, cibus electorum, per tuum quadraginta dierum in deserto jejunium; da ut me in mundi hujus solatiis propter te mortificem, ut tu sis unica delectatio, & desiderium cordis mei, A.

*Pater noster, &c.*

**O** JESU, Via, Veritas, & Vita, per tuam Discipulorum vocationem, fac me obedire voci tuæ, & viam mandatorum tuorum feliciter decurrere, Amen.

*Pater noster, &c.*

**O** JESU vitis vera, per tuam in Cana Galileæ, aquæ in vinum mutationem, frigidum cor meum ferventi devotionis spiritu excita, & in amore tui accende, A.

*Pa-*

*JESU Christi.*

*Pater noster, &c.*

**O** JESU spes peccatorum, per man-  
svetissimam tuam cum peccatoribus  
conversationem, & eorum paternam re-  
ceptionem, suscipe me venientem ad te,  
& concede, ut ubi abundavit delictum,  
ibi abundet gratia tua, Amen.

*Pater noster, &c.*

**O** JESU medicina salutis, per tuam  
infirmorum, & male habentium cu-  
rationem: sana animam meā, quia peccavi  
tibi, & vitali gratiā tuā eam vivifica, A.

*Pater noster, &c.*

**O** JESU, cui data est omnis potestas in  
Cœlo & in terra, per admiranda tua  
in terris opera & miracula, cuncta ad-  
versantia nobis propitius averte, & ad  
protegendum nos, dexteram tuæ Maje-  
statis extende, Amen.

*Pater noster, &c.*

**O** JESU splendor Paternæ gloriæ, per  
gloriosissimam in monte Thabor  
Transfigurationem: da ut hic perfectē,  
in te transformari, in futuro revelata fa-  
cie merear te contemplari, Amen.



*Corona Vita**Pater noster, &c.*

**O** JESU Rex Israël mansuetissime, per tuum in urbem Hierosolymitanam triumphalem ingressum: fac me vana mundi gaudia, honoresq; contemnere, te verò viâ humilitatis & abjectionis sequi, Amen.

*Pater noster, &c.*

**O** JESU Panis Angelorum, per tuam in ultima cœna Sanctissimi Eucharistiae Sacramenti institutionem; fac ut animæ meæ vivificum hoc corporis tui Sacramentum unice sapiat, & eam tibi intimè jungat, Amen.

## TERTIÆ DECADIS

*Ave MARIA &c.*

## O R A T I O.

**O** MARIA mare amaritudinis & doloris, laudo, saluto, & obsecro Te per dulcissimum Cor JESU Christi, Filii tui amantissimi, cui in ejus Passione & morte ignominiosissima mestissimo corde adeò compatiebaris, ut animam tuam doloris gladius transfixerit; impetra mihi ab

eo,

*JESU Christi.*

9

eo, in tuis Filiisq; tui doloribus intimam  
compassionem, atq; in Cruce tribulati-  
onis ob amorem ipsius, usq; ad finem  
vitæ perseverantiam, Amen.

*Pater noster, &c.*

**O** JESU, fortis zelator animarum, per  
tuam in horto Olivarum Oratio-  
nem, & Sangvineum in agonia sudo-  
rem; fac me calicem cujuscunq; ama-  
ritudinis ob amorem tui libenter bibere,  
& in agonia mortis meæ tuâ cœlestis  
gratiâ confortari, Amen.

*Pater noster, &c.;*

**O** JESU mitis & humilis corde, per  
tuam mansuetissimam ad osculum  
Judæ proditoris inclinationem; libera  
me ab omni hypocrisi; & da mihi sol-  
mnicorum dilectionem, neq; avertas fa-  
ciem tuam à me in æternum, Amen.

*Pater noster, &c.*

**O** JESU Sanson fortissime, per tuâ  
à militibus in horto comprehensi-  
onem, absolve me ab omni vinculo  
peccati, & fortissimis tuæ charitatis  
vinculis animam meam constringe, A.

*Pater noster, &c.*

**O** JESU speciose forma præ filiis hominum, per tuam coram Anna & Caïpha accusationem, colaphos, alapas, carceremq; noctis illius amarissimum, concede; ut confundar hic potius & contemnar propter te, ut à nocte & confusione æterna liberari merear, Amen.

*Pater noster, &c.*

**O** JESU speculum innocentiae, per tuam coram Pilato sæpius repetitam accusationem, & coram Herode in veste alba irrisum, da ut peccata mea agnoscam, & confitear, aliorum excussem, ignoscam, ac extremo tuo judicio liber sim ab illusionibus, & accusationibus diabolicis, Amen.

*Pater noster, &c.*

**O** JESU flos pudicitiae, per tuam in prætorio Pilati ignominiosissimam denudationem, & atrocissimam flagellationem, cooperi, quæso, infinitis meritis tuis, nuditatem animæ meæ, & flagella

iracundiæ



iracundiæ tuæ, nunc & in æternum à me averte, Amen.

*Pater noster, &c.*

**O** JESU in quem desiderant Angeli prospicere, per tuam spineam Coronationem, & derisionem à militibus salutationem, fac me adversa mundi hujus patienter ob amorem tui sufferre; ut sub spinoso capite membrum non sim delicatum, Amen.

*Pater noster, &c.*

**O** JESU, tanquam ovis ad occisionem ducte, per tuam ad Crucis supplicium injustissimam condemnationem, & ejusdem Crucis bajulationem, concede, ut de omnibus benè sentiam, sinistra aliorum de me judicia æquo animo feram, & crucem meam tollens, abnegando me ipsum, vestigia tua sequar, Amen.

*Pater noster, &c.*

**O** JESU, DEUS in nationibus à ligno regnans per tuam crucifixionem, & post trium horarum immensos dolores,  
mortem

mortem in Cruce amantissimam, confige cor meum Cruci tuæ, & fac me omnibus propter te mori, tibiq; soli vivere; ut nihil sciam, & amem; nisi te JESUM pro me crucifixum, Amen.

*Pater noster, &c.*

**O** JESU, primogenite mortuorum, per tuam de cruce in sinum Matris Sanctissimæ depositionem, & sepulturam; depone in sinum cordis mei indefinentem Passionis tuæ memoriam, ut in Vulneribus tuis confepultus, vivam ego, jam non ego, sed Tu vivas in me ò Vita mea, Amen.

*Ave Maria, &c.*

### O R A T I O.

**O** Paradise voluptatis dulcissima Virgo MARIA, laudo, saluto, & obsecro te, per dulcissimum Cor JESU Christi Filii tui amantissimi; qui devicta morte à mortuis resurgens, tibi imprimis gloriosus apparuit, & in Ascensione sua, Spiritusq; Sancti missione, ineffabili gaudio Cor Tuum amantissimum replevit,

replevit, impetra mihi ab eo felicem  
tentationum & tribulationum victoriam,  
rerum cœlestium amorem, & donorum  
Spiritus Sancti fontem vivificum, Amē.

*Pater noster, &c.*

**O** JESU Victor, Leo de tribu Juda;  
per tuam à mortuis gloriosam Re-  
surrectionem; fac, ut in novitate vitæ  
tecum resurgens, quæ sursum sunt, non  
quæ super terrā, quæram & sapiam, A.

*Pater noster, &c.*

**O** JESU, DEUS in júbilo ascendens,  
per triumphalem tuam in cœles A-  
scensionem, trahe cor meum post te, ut  
mente in cœlestibus tecum semper ha-  
bitem, Amen.

*Pater noster, &c.*

**O** JESU, Veritas æterna, per amabi-  
lissimum Spiritus Sancti, quem Di-  
scipulis tuis promiseras, adventum;  
induc me virtute ex alto: ut ab omni-  
bus mundi solatilis abstractus, Spiritua-  
lium percipere merear gratiam gau-  
diorum, Amen.

*Ave*



**O** Regina cœli & terræ gloriosissima Virgo MARIA, laudo, saluto, & obsecro te per dulcissimum Cor JESU Christi Filii tui amantissimi, qui te in cœlo Assumptam cum Patre & Spiritu Sancto, diademate gloriæ, coronavit; impetra mihi ab eo, ut in gratia ipsius felici obitu ex hac vita decedens, æternæ vitæ bravium consequi merear, Amē.

*Credo in DEUM, &c.*

### OBLATIO CORONÆ.

**S**uscipe Clementissime JESU indignum hoc obsequium meum, quod ego mellitius, ac divinissimo Cordi tuo emendandum & perficiendum offero, deponoq; per purissimas Matris tuæ Sanctissimæ manus in Sacrosancta Vulnera tua, ut quidquid ex me deficit, ex iis mihi abundantissime suppleatur: Responde ergo satisfac, & supple pro me o bone JESU, ut memoria hæc annorum, & mysteriorum Sanctissimæ vitæ tuæ cedat in conspectu tuo Divino, in odo-

rem

rem suavitatis, & in meam atq; eorum,  
pro quibus eam obtuli salutem, utili-  
tatemq; sempiternam, Amen.

**MODUS BREVIOR**

*Recitandi eandem Coronam Salvatoris  
Domini nostri JESU CHRISTI.*

*Salutatio Angelica.*

**A**VE MARIA gratia plena, Dominus  
tecum, benedicta tu in mulieribus  
& benedictus fructus ventris tui JESUS  
Christus. Sancta MARIA Mater DEI,  
*Per Conceptionem & Nativitatem  
tuam, ora pro nobis peccatoribus,  
nunc & in hora mortis nostræ, Amen.*

*Oratio Dominica.*

**P**ater noster, qui es in cœlis, sanctifi-  
cetur Nomen tuum, adveniat regnū  
tuum, fiat voluntas tua, sicut in cœlo  
& in terra. Panem nostrum quotidianum  
da nobis hodie, & dimitte nobis debita  
nostra, sicut & nos dimittimus debito-  
ribus nostris & ne nos inducas in tenta-  
tionem. Sed libera nos à malo, per In-  
carnationem tuam, Amen.

*Pater noster, &c.*

*Per.*

Per Joannis in utero Sanctificationem,  
Pater noster, &c.

Per Nativitatem Tuam,  
Pater noster, &c.

Per Pastoribus manifestationem,  
Pater noster, &c.

Per Circumcisionem Tuam,  
Pater noster, &c.

Per trium Regum adorationem,  
Pater noster, &c.

Per Præsentationem in Templo,  
Pater noster, &c.

Per fugam in Ægyptum,  
Pater noster, &c.

Per inventionem in Templo,  
Pater noster, &c.

Per mansionem sub obedientia Pa-  
rentum.

*Salutatio Angelica.*

Ave MARIA &c. Sancta Maria Mater  
Dei, Per Præsentationem tuam Gan-  
nuntiationem ora pro nobis &c.

Pater noster, &c.

Per Baptismum tuum in Jordane.

Pater noster, &c.

Per Jejunium in deserto,

*Pater*

*Sed libera nos a malo, Per &c. Amen.*

**JESU Christi.**

*Pater noster, &c.*

19

*Sed libera nos a malo Per &c. Amen.*

**Per aquæ in vinum conversionem,**

*Pater noster, &c.*

**Per vocationem Discipulorum,**

*Pater noster, &c.*

**Per conversionem peccatorum,**

*Pater noster, &c.*

**Per sanationem langvidorum,**

*Pater noster, &c.*

**Per tempestatum in mari sedationem,**

*Pater noster, &c.*

**Per satietatem turbæ multæ,**

*Pater noster, &c.*

**Per transfigurationem in monte  
Thabor,**

*Pater noster, &c.*

**Per ingressum cum triumpho in  
Jerusalem.**

*Salutatio Angelica.*

**Ave MARIA &c. Sancta Maria Ma-  
ter Dei, Per Visitationem Elisabethæ,  
ora pro nobis, &c.**

*Pater noster, &c.*

**Per institutionem SSmæ Eucharistiæ,**

*Pater noster &c.*

**Per sanguinem sudorem in horto,**

*Pater*



*Pater noster, &c.*

Per traditionem à Juda,

*Pater noster, &c.*

Per alapam apud Annam,

*Pater noster, &c.*

Per injurias noctis in carcere,

*Pater noster, &c.*

Per illusionem ab Herode,

*Pater noster, &c.*

Per flagellationem Tuam,

*Pater noster, &c.*

Per Coronationem Tuam,

*Pater noster, &c.*

Per Crucis bajulationem,

*Pater noster, &c.*

Per Crucifixionem &amp; mortem Tuam

*Salutatio Angelica.*

Ave MARIA &amp;c. Sancta MARIA

Mater Dei, Per Purificationem Tuam,

ora pro nobis peccatoribus, &amp;c.

*Pater noster, &c.*

Per Resurrectionem Tuam,

*Pater noster, &c.*

Per Ascensionem Tuam,

*Pater noster, &c.*

Per Spiritus Sancti missionem,

*Salutatio Angelica.*

Ave

Sed libera nos à malo Per &amp;c. A.

JESU Christi.

19

Ave MARIA &c. Sancta MARIA Mater Dei Per Assumptionem & Coronationem tuam, ora pro nobis &c.

Credo in DEUM, &c.

Ut fuso tibi Chryste, feram pro sanguine grates,

Nulla satis, longum sæcula tempus erunt.

Certa atq; secuta est expectatio promissæ beatitudinis, ubi est participatio Dominicæ Passionis. S. Leo Papa.

## B R E V I S D E C L A R A T I O

Dignitatis, & Excellentie,

C O R O N Æ

Domini Salvatoris nostri.

**C**ertum id est, quod quemadmodum Dominus DEUS Omnipotens omnibus factis, per servos suos in Lege veteri adimpletis, designabat redemptionem generis humani per sanctissimam vitam & mortem Filii sui Unigeniti. Quod Sanctus Paulus confirmat dicens: *Omnia in Figura contingebant illis.* Cap. 10. It: & duabus Coronis supra Arcam Domini  
(quæ

(quæ Arca designabat Virginem Deiparam Sanctissimam) ex auro factis (facies supra Arcam Coronam auream per circumcinctum, & super illam alteram Coronam aureolam, Exod. 15.) præmonstraverit (quod fide dignum est) minori superius posita. Vitam, & actiones Dulcissimi JESU: inferiori vero & majori, ob majorem annorum numerum vitam Sanctissimæ Matris ejus. Cujus prærogativam Coronæ vitæ Domini Salvatoris nostri, Psalter Regius in spiritu cognoscens, exclamavit cum gaudio: *Benedices Coronæ anni benignitatis tuæ & campi replebuntur ubertate.* Psal. 64. Quin etiam ipse quoque Sponsus cælestis cupiens Sponsam suam Ecclesiam nempe Sanctam, & animam quamlibet fidelem hac ipsa devotione condecorare, & ditare, vocabat eam trina vocatione; *Veni de Libano Sponsa mea, veni, veni, coronaberis.* Cant. 4. Tandem vero post adimpletas figuras omnes, clarius id Dulcissimus JESUS, Sponsus suæ Gertrudi (de qua id pronuntiare dignatus est, quod in Sacramento altaris & in corde ipsius decentissime inveniretur) significavit: cum enim quæreret ex amantissimo JESU, cui potissimum devotioni, post Dominicam tertiam Quadragesimæ vacare deberet, respondit illi innuens tantum; quod id temporis, in Officiis Ecclesiasticis mentio fieret Josephi 30. denariis

denariis venditi. Cum vero illa exemplo  
hoc commota recitaret Orationes Domi-  
nicas 33. dixit ei Dominus: Eme tibi sic  
apud me Sanctissimam vitam meam, qua  
triginta tribus annis operatus sum salu-  
tem in medio terræ, & hunc fructum  
communica toti Ecclesiæ; ad veram salu-  
tem, æternamq; gloriam meam. Quod  
cum fecisset, agnovit in spiritu totam  
Ecclesiam esse ceu sponsam adornatam,  
& decoratam ex Fructu perfectissimo vitæ  
Christi Domini, ex libris Revelationum  
Divinæ clementiæ, S. Gertrudi lib. 4. Cap.  
20. Sed neque tum temporis quo erat  
circa annum Domini 1030. hæc devotio  
erat proclamata, & à Sede Apostolica  
confirmata, ob inscrutabilia Mysteria  
Divina; usq; tandem Annô Domini 1515.  
idq; hac ratione cum B. Michâel Eremita  
S. Romualdi, maneret in Sacra Erema  
Camaldulensi, (quam S. Romualdus Annô  
Dni 1012. inditione Florentina, in monte  
quodam instituerat; hoc vero ex revela-  
tione Divina; quandoquidem eo loci vi-  
derat, ceu alter Jacob Patriarcha scalam,  
per quam Discipuli ejus in cœlum ascen-  
debant albis induti vestibus; (nam antea  
juxta Regulam S. Benedicti, amictu nigro  
utebantur) in Cella peculiari reclusus annis  
15. die quodam recitans Coronam Beatif-  
simæ Virginis, raptus in extasim, in qua  
audivit



audivit vocem ejusmodi Domini Salvatoris: *Mei autem non recordaris Michâel?* quibus verbis eò magis inflammatus, petiit per intercessionem Beatiss: *MARIÆ* Virginis à Dulcissimo *JESU* significari sibi, quò devotionis genere in suo, & omnium Fidelium cordibus memoriam illius perennem firmare posset. Post quam petitionem, fuit ille à Divinissimo Spiritu edoctus, ut quemadmodum Coronam Beatissimæ Virginis juxta numerum annorum Vitæ ipsius recitare solitus fuerat? ita simili modo in memoriam 33. annorum quibus Christus *JESUS* salutem operari dignatus; totidem Orationes Dominicas recitaret, quibus Orationibus Dominicis, quinque Salutationes Angelicas interponebat; adextremum: Credo. Et vocavit hoc Exercitium Coronam Domini.

Quod cum innotuisset Pontifici Maximo, sub id tempus *LEONI X.* eandem illico confirmavit, amplissimisq; Indulgentiis, quæ inferius referentur, decoravit, (Vitam vero hujusce Beati Michâelis inferius lege) Atque hic jam quilibet, ex figuris & verbis Domini Salvatoris Nostri, facile agnoscere potest, quam sit hoc Orationis genus Domino *DEO* acceptum, & nobis salutare. Quod si cum Sancta Catharina Senensi, Coronam Spineam; aut varias tribulationes propter *JESUM* sufferre,

sufferre, imitarique eum non potes. Coronæ hujus devotâ frequentatione ex parte id præstabis. Quemadmodum vero illam, ob quotidianam recitationem in manu tua gestabis; ita vicissim eris. Corona gloriæ in manu Domini, & Diadema Regni in manu DEI tui. Isaia 62. Jam ergo hac in devotione, esto fidelis usq; ad mortem, & dabo tibi Coronam vitæ, dicit Dominus Apocal: 6. Ac proinde tene quod habes, & nemo accipiat Coronam tuam Apocal. 3. Quod devotus quidem sibi, & tibi gratulatur, cum inquit.

○ Regale veri Christiani hominis ornamentū nunquā recedas à corde, nunquam marcescas per oblivionem in Capite, sed semper nova virtute revirescas in mente.

## INDULGENTIÆ.

Coronam Domini Salvatoris nostri recitantibus, concessæ sunt primum à LEONE X. Pontifice Maximo, Florentiæ 18. Februarii Annō Domini 1516. Pontificatūs sui Annō 5to Deinde à GREGORIO XIII. Pontifice Maximo, Romæ 14. Februar. Anno 1573. pontificatūs sui Anno 1mo Item à SIXTO V. Romæ 3. Febr: 1589 Pontificatus sui Anno 4to. à PAULO V. Pontifice Maximo, à CLEMENTE IX. Romæ 15. Octob. 1669.

B

Pontif:

Pontif: sui Anno 3. Tandem à CLEMEN-  
Te X. Summo Pontifice, qui omnes In-  
dulgencias ab Antecessoribus suis concef-  
fas confirmavit. Et ampliavit, prout  
sequitur.

## CLEMENS PAPA X.

Ad perpetuam rei memoriam.

**D**E salute gregis Dominici. Divina dispo-  
sitione nobis commissi solcite cogitantes,  
Christi Fideles spiritualibus muneribus  
adjuvare non cessamus, ut eorum devotio  
ad Omnipotentis DEI cultum & pietatis  
opera, indies magis augeatur. Cum itaq;  
sicut accepimus dilecti filii Monachi Con-  
gregationis Camaldulensis Ordinis Sancti  
Benedicti, & Eremitæ Camaldulenses, Coro-  
nas Domini nostri IESU Christi jam pridem  
Fidelibus dispensare consueverint.

Nos laudabilem huiusmodi usum, harum serie  
approbantes, easdem Coronas, Indulgentiis  
atq; aliis Spiritualibus muneribus, quæ in-  
fra sequuntur, ad spirituales fidelium con-  
solationem & animarum salutem duximus  
esse decorandas.

Qui vere pœnitens & Confessus, seu fir-  
mum confitendi propositum habens, unam ex  
dictis Coronis sibi à præfatis Monachis vel  
Eremitis Camaldulensibus immediate vel  
mediante alia Persona traditam recitaverit,  
quotiescunq; id fecerit ducentorum  
annorum;

annorum; necnon quicumq; Coronam huiusmodi secum deferent singulis secundis, quartis & sextis feriis ac festiuis de praecepto Ecclesiae seruari solitis diebus recita verit, dummodo confessus & communicatus fuerit, centum quinquaginta annorum: Qui autem solitus fuerit eam recitare quater in hebdomada, semel in anno, die per eum eligenda, si ea die confessus, Sanctissimum Eucharistiae Sacramentum sumpserit, & dictam Coronam pariter recita verit, plenariam; qui vero eandem Coronam singulis diebus per mensem integrum etiam recita verit, & subinde vere poenitens & confessus ac sacra Communionem refectus, pro Christianorum Principum concordia, haeresum extirpatione, ac Sacrae Matris Ecclesiae exaltatione pias ad DEUM preces effuderit, quoties id fecerit, itidem plenariam omnium peccatorum suorum Indulgentiam & remissionem consequatur.

Quicumq; solitus fuerit saltem ter in hebdomada dictam Coronam recitare, & in bello contra infideles, Haereticos, S.R.E. hostes dimicaverit, si eo, vel antecedenti die eandem Coronam recita verit, & in actu dimicationis mentem ad DEUM eleua verit, & peccatorum suorum poenitens humiliter veniam postulauerit, si in dicta pugna occubuerit, plenariam Indulgentiam pariter consequatur.

B2

Item



Item quicumq; infirmus, unam ex dictis Coronis, sibi, ut præfertur, traditam, apud se habens eam prius hac intentione recitaverit, & in illa infirmitate delictorum suorum poenitens & confessus in articulo mortis Sanctissimum Nomen IESU corde & ore, si potuerit, sin minus, corde invocaverit, plenariam Indulgentiam, & omnium peccatorum remissionē, si mors inde subsequatur, si vero mors non subsequatur, Indulgentiā ducentorum annorum lucratur.

Qui secū deferens unam ex Coronis prædictis, sibi sicut, præmittitur, traditam, Nomen IESU invocando examen conscientie sue fecerit, & ter orationem Dominicam, & toties Salutationem Angelicam recitaverit, preces ad DEUM pro tranquillo & felici statu S. R. E. effundendo, viginti dies Indulgentiæ. Qui dicto examine peracto actualiter confessus fuerit & post Confessionem DEUM Optimum Maximum pro augmento fidei Catholicæ, hæresum extirpatione, & Sanctæ Matris Ecclesiæ exaltatione oraverit; viginti annos Indulgentiæ lucretur, & solitus se exercere in aliquo ex operibus, quæ fieri solet in Religionibus; sit particeps omnium & singulorum operum, quæ fient in dictis Religionibus, si intentione huiusmodi participationis illud opus exercuerit.

Qui apud se habens unam ex prædictis Coronis sibi traditam, ut præfertur, & legitime

gitime impeditus Missæ Sacrificio diebus festiuis de præcepto Ecclesiæ non interfuerit; si quinquies Orationem Dominicam, & toties Salutationem Angelicam recitauerit; huiusmodi defectum suppleat; Et si dicto Missæ Sacrificio interfuerit: dictam Orationem Dominicam, & Salutationem Angelicam recitando, quamcunq; mentis vagationem similiter suppleat, dummodo debita voluntate factum non sit.

Quisquis secum deferens unam ex dictis Coronis, sibi, ut supra traditam, Missæ aut Prædicationi interfuerit; vel Sanctissimum Eucharistiæ Sacramentum, dum ad infirmos, aut alias solemniter in Processionibus deferatur, associauerit, vel aliquem à prava ad salutis viam reduxerit, ut puta ab hæresi, blasphemia, detractationibus, vel pacem cum inimicis composuerit, vel aliquod aliud, tam spirituale, quam temporale opus ad honorem Domini nostri IESU Christi, vel Gloriosissime Virginis MARIÆ, aut alterius Sancti pro cuiusq; devotione, vel ad temporalem aut spirituales proximi salutem operatus fuerit, & Pater noster, & totidem Ave MARIA recitauerit, decem annorum Indulgentiam consequatur.

Qui diebus stationum Ecclesiarum Almæ Urbis, & extra illius muros, absens ab illa, confessus & sanctissima communione refectus, ac secum Coronam sibi, ut præfertur, tradi-

tam habens Ecclesiam ab ipso pro sua devotione eligendam visitaverit, vel urgenti causa impeditus dictam Cororam, ac septem Psalmos pœnitentiales cum Litanis ac sequentibus suffragiis recitaverit, ducentorum annorum Indulgentiam consequatur. Ac eandem etiam consequantur ii, qui in Urbe eadem opera peregerint, si legitimo impediti easdem Ecclesias visitare nequiverint.

Deniq; quod omnes supradictæ Indulgentiæ, applicari possint animabus Defunctorum, quæ DEO, in Charitate conjunctæ, ab hac luce migraverint; si ea intentione pro eis oretur, vel supradicta opera peragantur Authoritate Apostolica tenore præsentium concedimus & indulgemus, Præsentibus perpetuis, futuris temporibus valituris. Volumus autem ut supradictæ Coronæ nemini possint vendi, vel commodari. Et si secus fiat, Indulgentiæ supradictæ cessent, nulliusq; sint roboris & momenti, sed circa eas Decretum à felici recordatione ALEXANDRO Papa VII. Prædecessore nostro, die 6. Februarii, Anno 1667. Editum omnino servetur. Utq; earundem præsentium literarum transumptis, seu exemplis etiam impressis, manu Notarii publici subscriptis & Sigillo Personæ in Ecclesiastica dignitate constitutæ munitis, eadem prorsus fides in Judicio & extra habeatur, quæ ipsis præsentibus haberetur, si forent exhibitæ vel ostensæ.

ostensa. Datum Romæ apud Sanctam MARI-  
AM Majorem sub annulo Piscatoris die 20.  
Julii 1674. Pontificatus nostri Anno 5to.

I. G. Slusius.

Ita est Vincentius Octavianus Curie Emi-  
nentissimi ac Reverendissimi Domini Cardi-  
nalis S. D. N. Papæ Vicari: Generalis Almæ  
Urbis Notarius in fidem.



# Dies Indulgentiarum ROMÆ.

Quas iisdem diebus extra Romam ubi-  
que locorum, juxta concessionem CLE-  
MENTIS Papæ X. numero ut supra 25.  
habentes hanc Coronam lucrari possunt.

*Indulgentiæ in Januario.*

1. 6. 7. 10. 13. 16. 17. 18. 21. 22. 25. 27. 31.

*In Februario.*

1. 2. 3. 5. 9. 22. 24. 26.

*In Martio.*

Omnibus diebus Veneris in hoc Menſe.

7. 12. 20. 25.

B4

Indul-



*Indulgentiæ in Quadragesima.*

A prima die Quadragesimæ usque ad Dominicam in Albis, sunt singulis diebus Indulgentiæ. *In Aprili.*

1. 3. 5. 23. 25. 29.

*In Majo.*

1. 3. 4. 6. 8. 11. 19. 20. 21.

*Sciendum, quod omnibus sequentibus diebus Indulgentiæ sint.*

Die Lunæ, Martis, & Mercurii ante Ascensionem Domini, in Vigilia Pentecostes, ipso Festo, & sequentibus octo diebus.

*Dominicâ Sanctissimæ Trinitatis.*

*In Junio.*

I. Dominica Junii.

2. 11. 13. 15. 24. 28. 29. 30.

*In Julio.*

II. Dominica Julii.

2. 15. 17. 20. 21. 22. 23. 26. 27. 28. 29. 30.

*In Augusto.*

1. 2. 4. 5. 6. 10. 12. 15. 16. 19. 22. 25. 28. 29.

*In Septembri.*

10. 14. 18. 20. 21. 27. 29. 30.

*In Octobri.*

4. 18. 28.

*In Novembri.*

1. 8. 9. 10. 11. 18. 21. 22. 23. 24. 25. 30.

*In Adventu.*

I. II. III. & IV. Dom. Adventus

*In Decembri.*

2. 4. 6. 7. 8. 13. 21. 23. 25. 26. 27. 28. 29. 31

Synopsis

## Synopsis Vitæ

B. MICHAELIS,

Eremitæ Camaldulensis,

*Inventoris*

Coronæ Christi Domini.

**P**ostquam S. Romualdus, Fundator S. Ordinis Camaldulensium, ultra centum Cœnobia erexisset, & multa juxta Regulas S. Benedicti reformasset, necnon Eremitum Sanctis Viris ita implevisset, ut totus mundus ejus exemplaris vitæ actionibus renovatus videretur (uti B. Petrus Damianus, qui ejus vitam concinnavit, de illo ait: *Tali modo hominum animos suo exemplo & doctrina commovit, ut apparet, totum mundum ejus vestigia secuturum*) Quintum supra centesimum ætatis suæ annum numerans, ductu divini Spiritus, Annô 1012. ad Alpes Appenienfes in Arezana Diœcesi sitas abiisset, ibique inter densissimas utrinque sylvas in amœnissimo campo, non absimilis Sanctissimo Patriarchæ Jacob, ad quietem se composuisset; vix primus sopor oculos clausit, objicitur dormienti scala, in qua Fratres sui futuri Ordinis, albis induti vestibus, ad Cœlum felicissime ascenderunt. Ex qua visione ubi DEI voluntatem

B5 intel-

intellexerit, hujus territorii possessorem Comitem de Maldolo, qui eandem visionem quiescens habuit, convenit, facileque eas sylvas, & campos, cum adfita arce obtinuit. Hic deinde S. Romualdus nigrum habitum (quo tanquam S. Benedicti Monachus, annis 85. utebatur) in album transmutavit, & Eremum celeberrimam, Camaldulensium dictam, fundavit.

Hoc in Ordine omni tempore, virtute & sanctitate Viri eximii reperiuntur, inter quos etiam fuerat Beatus Michæl Coronæ Christi Domini nostri Inventor.

Hic Florentiæ Anno 1440. in lucem editus est, & quia Juvenis erat; de quo magna quæque sperari poterant, Laurentius de Medices, eum aulae suæ adlegit: ille autem majori longe Domino servire volens: Clericalem habitum assumpsit, & cum eo divitem Ecclesiasticam præbendam, cujus redditus in pia, & Christiana opera liberalissime impendit, dum interim ille jejunando, Sacras paginas evolvendo, orando, & similibus operibus saluberrime tempus insumpsit: Contigit autem, ut quadam die Camaldulum ad Eremum veniens, Religiosorum fratrum exemplo commotus, tam vehementer in solitariam vitam inamoraretur, ut postquam in tam riguroso Ordine DEO servire decrevisset, constantissime admissionem sui expetierit;

& im-

& impetravit etiam post factam rerum  
suarum dispositionem: Quo in Ordine  
vix Sacris vestibus indutus, mirabili &  
summa omnium cohabitantium ædificati-  
one, indies de virtute in virtutem, sum-  
mos progressus fecit. Unde B. hic Vir  
pro majori Spiritûs recollectione, à suis  
Superioribus impetravit, ut certo tem-  
pore in cella se claudere liceret, cum ali-  
unde in hoc Ordine usus obtinuerit, ut  
majoris spiritualis quietis cupidi, magni  
ieiunii, vel quocunq; alio tempore, qui-  
dam sese ab aliorum consortio segregent:  
& quandoq; totâ vitâ seclusi maneant;  
quo tempore suas functiones in cella  
eadem horâ, quâ alii congregati simul in  
Choro, summo fervore solô DEO arbitro,  
peragunt. Hanc solitudinis dulcedinem  
( in solitudine enim DEUS suis loquitur  
ad cor ) cum B. Michâel gustâisset, roga-  
vit, & ob specimina virtutis data impe-  
travit, ut residuum vitæ tempus, in hoc  
sancto, & voluntario carcere consumeret.  
Dehinc antiquum hominem ponens, cili-  
ciô, flagellô, & continuo ieiunio corpus suû  
in servitutem redigere laborabat; illis die-  
bus, quibus dari solet, modicô utebatur  
jusculô, vino autem nunquam, nisi die  
Dominicâ parcissimè. Igni appropinqua-  
bat nunquam, ut somnolentiam evitaret,  
quæ inde oriri solet. Silentium observa-  
bat

bat semper; quia taliter inclusis cum nullo loqui, sine expressa Superioris licentia est concessum, neque iis diebus, quibus reliqui ad colloquium Spirituale convenire solent, Campanæ signum, quô omnes ad orandum convocantur, semper prævenit, & ad eas preces, in sua cella peragendas, serio præparavit. Finito Matutino, totum tempus rerum Divinarum contemplationi impendit, ut sæpè candidissimus facie tanquam Cherubim appareret: & inde, licet non adeo eruditus fuerit, mirabiles tamen Sacrarum literarum explanationes habuit. Sacrificium Missæ summâ devotione peregit, & Sacros Psalmos attentissime recitavit; obligantur enim inclusi Camaldulenses, totum Psalterium quotidie absolvere, mensa parcissima absoluta, Coronas ex ligno efformare, corbiculos combinare, hortulum suum excolere, & similes manuales labores peragere solebat, in omnibus animum ad DEUM elevando. Reliquum lectioni, ac descriptioni rerum spiritualium impendit. Præditum fuisse Prophetiæ dono testantur Cardinales, Julius de Medices, & Alexander Farnesius, quibus Pontificatûs dignitatem prædixit, uti & ille CLEMENS VII. hic vero PAULUS III. audiit. Clarus quoque erat miraculis patrandis, uti expertas est quidam pauper in bove, quæ crepuerat



crepuerat & B. Samuel in suo ad Altare Ministro, qui gravi capitis dolore angabatur; nam bovem vitæ, famulum sanitati, suis precibus restituit: uti & multi alii illius Patrocinio, magnas gratias apud DEUM obtinuerunt. Matrem DEI speciali veneratione colebat; in cujus honorem sæpe Coronam recitavit. Dum quadam die anni 15. inclusionis suæ, ferventissime orabat, vocem intus sibi dicentem audivit, *Michâel mei non recordaris?* qua audita secum conclusit, se velle deinceps JESUM Christum Dominum nostrum, recitatione 33. *Pater noster*, in memoriam annorum, quibus amore nostri nobiscum in terra versatus est, cum additione 5. *Ave Maria*, in memoriam mysteriorum B. Virginis recitare. Et hunc orandi modum, *Coronam Christi*: Domini appellavit, quod LEO X. illo tempore Pontifex approbavit, & multis Indulgentiis condecoravit: & ideo à Christi fidelibus in hodiernum usque diem summa devotione recitatur. Tandem, postquam Vir Beatus 21. annis in Cella clausus, visibilium, ac invisibilium machinationes hostium feliciter superavit, tempus ejus liberationis ex duplici carcere advenit, & benedicta illius anima, meritis divissima, 20. Januar. 1522. in paradysum celestis libertatis transmigravit.

Cujus

Cujus manus cum Beatus Justinianus de Bergamo, heremi Incola venerabunde osculatus fuisset, à diuturno dentium dolore liberatus est. Et hoc ad Christi Domini nostri honorem, qui mirabilis est in Sanctis suis.

---

ORATIONES & LITANIÆ  
de Vita & Passione Domini Nostri  
**J E S U C H R I S T I.**

*Non te pertranscat particula bonæ dici,  
obsq̃ memoria Passi pro te Domini.*

*Oratio Divi Bernardi.*

**O** JESU, JESU mi, ad Passionis tuæ gloriosa insignia, in quibus salutem meam operatus es, totum me inclino, Tuæ victoriosæ Crucis regale vexillum, in Nomine Tuo Christe adoro. Tuum spineum Dladetra, Tuos rubentes sanguineos clavos, Tuo Sacro Latere immersam lanceam, Tua Vulnera, Tuum Sanguinem, Tuam merem, Tuam sepulturam Christe supplex adoro & glorifico. Confige Cruci Tuæ manus meas, & pedes meos, ac totum Passioni tuæ conforma servum tuum Domine.

*Oblatio*

*Oblatio ad Patientem JESUM.*

**B**enignissime JESU, suavissime JESU, quem pro nobis & propter nos charitas ardentissima erga nos Cruci affixit, suscipe nunc omnium Vulnorum Tuorum dolores sanguineasq; guttas; suscipe pientissimæ Matris Tuæ compassionem & dolorem pro peccatis meis, & pro peccatis universi mundi: suscipe etiam quæso me indignissimum peccatorem, quem Tibi offero, in unione doloris Matris, & in unione charitatis tuæ, & converte me in laudem & gloriam tuam juxta summum atq; supremum beneplacitum tuum, Amen.

L I T A N I Æ.

**K**yrie eleison, Christe eleison,  
Kyrie eleison.

Christe audi nos, Christe exaudi nos.  
Pater de Cœlis DEUS, Misereere nobis.  
Fili Redemptor mundi DEUS, Misereere nobis.

Spiritus Sancte DEUS, Misereere nobis.  
Sancta Trinitas Unus DEUS, Misereere nobis.

JESU

JESU Sapientia æterna,  
 JESU de Virgine MARIA nate,  
 JESU à tua Genitrice adorate,  
 JESU pannis involute,  
 JESU in præsepio reclinate,  
 JESU libere Virginco lactate,  
 JESU à Pastoribus in præsepio co-  
 gnite,  
 JESU per Circumcisionem sub Le-  
 ge facte,  
 JESU à Magis adorate,  
 JESU in Templo præsentate,  
 JESU in Ægyptum delate,  
 JESU ab Herode ad necem quæsite,  
 JESU in Nazareth nutrite,  
 JESU in templo invente,  
 JESU Parentibus subdite,  
 JESU à Joanne Baptizate,  
 JESU in deserto tentate,  
 JESU cum hominibus conversate,  
 JESU gratis odio habite,  
 JESU contumeliis vexate,  
 JESU in monte coram Patribus  
 transfigurete,

JESU

Miserere nobis.

Miserere nobis.

*Litania.*

39

JESU Rex mitis Jerusalem ingresse,  
JESU triginta argenteis vendite,  
JESU ad Discipulorum pedes incli-  
nate,

JESU in Oratione prostrate,  
JESU in agonia Sangvineo sudore  
conspere,

JESU osculo à Juda tradite,  
JESU à Ministris ligate.

JESU à Discipulis derelictæ;

JESU Annæ & Caiphæ præsentate;

JESU alapa à ministro percusse,

JESU à falsis testibus accusate,

JESU reus mortis Judicate,

JESU in faciem conspue,

JESU oculis velate,

JESU à Petro ter negate,

JESU victus Pilato tradite,

JESU ab Herode sprete & illuse,

JESU alba veste indute,

JESU Barabbæ postposite,

JESU flagellis cæse,

JESU propter scelera nostra attrite,

JESU quasi leprosus reputate,

JESU

Miserere nobis.

Miserere nobis.



JESU veste purpurea indute,  
 JESU spinis coronate,  
 JESU azundine percusse,  
 JESU à Judæis ad Crucem postulate,  
 JESU morte turpissima condemnate,  
 JESU voluntati judæorum tradite,  
 JESU Crucis pondere gravate,  
 JESU tanquam ovis, ad occi-  
 sionem ducte,

JESU vestibus exute,  
 JESU clavis in Cruce confixe,  
 JESU propter iniquitates nostras  
 vulnerate,

JESU, qui pro inimicis Patrem  
 rogasti,

JESU cum iniquis reputate,  
 JESU in Cruce blasphemate &  
 illuse,

JESU à latrone convitiis laccessit,  
 JESU, qui Latroni pœnitenti Para-  
 disum promissisti,

JESU, qui Joannem Matri tuæ in  
 Filium commendasti,

JESU te à Patre derelictum attestate,

JESU

JESU felle & aceto in siti potate,  
JESU, qui omnia de te scripta consummasti,

JESU usque ad mortem Crucis  
obediens facite,

JESU lancea transfixe,

JESU propitiatio nobis facite,

JESU de Cruce deposite,

JESU gloriose à mortuis resurgens,

JESU in Cœlum elevate,

JESU noster apud Patrem advocate,

JESU, qui Spiritum Paraclitum

Discipulis misisti, Miserere nobis.

JESU Matrem super choros Ange-

lorum exaltans, Miserere nobis.

JESU vivos & mortuos Judicature,

Miserere nobis.

Propitius esto, Parce nobis Domine.

Propitius esto, Exaudi nos Domine.

Ab omni male, Libera nos Domine.

Ab omni peccato, Libera nos Domine.

Ab ira, odio, & omni mala voluntate,

Libera nos Domine.

A peste, fame, & bello, Libera nos D.

A qua-

A cunctis mentis & corporis periculis, Libera nos Domine.

A morte perpetua, Libera nos Domine.

Per mundissimam Conceptionem tuam, Libera nos Domine.

Per miraculosam Nativitatem tuam, Libera nos Domine.

Per humilem Circumcisionem tuam, Libera nos Domine.

Per Baptismum & sanctum jejunium tuum, Libera nos Domine.

Per labores & vigilias tuas, Libera nos Domine.

Per dolorosam flagellationem, & Coronationem tuam, Libera nos D.

Per sitim, lacrymas, & nuditatem tuam, Libera nos Domine.

Per pretiosam mortem & Crucem tuam, Libera nos Domine.

Per gloriosissimam Resurrectionem & Ascensionem tuam, Libera nos D.

In die Judicii, Libera nos Domine.

Peccatores, Te rogamus audi nos.

Ut nobis parcas, Te rogamus audi nos.

Ut nobis

- Ut nobis indulgeas, Te rogamus audi nos.
- Ut ad veram poenitentiam nos perducere digneris, Te rogamus audi nos.
- Ut gratiam Sancti Spiritus cordibus nostris clementer infundere digneris, Te rogamus audi nos.
- Ut Societates in Tuo nomine congregatas conservare & amplificare digneris, Te rogamus audi nos.
- Ut nobis veram pacem, humilitatem & charitatem largiri digneris, Te rogamus audi nos.
- Ut in gratia & sancto servitio perseverantiam nobis dare digneris, Te rogamus audi nos.
- Ut nos ab immundis cogitationibus & daemonum tentationibus, & damnatione perpetua liberare digneris, Te rogamus audi nos.
- Ut nos Collegio Sanctorum tuorum sociare digneris, Te rogamus audi nos.

Ut nos

Ut nos exaudire digneris, Te roga-  
mus audi nos.

Agnus DEI, qui tollis peccata mun-  
di, Parce nobis Domine.

Agnus DEI, qui tollis peccata mun-  
di, Exaudi nos Domine.

Agnus DEI, qui tollis peccata mun-  
di, Misereere nobis.

Christe audi nos, Christe exaudi nos,  
Kyrie eleison, Christe eleison,

Kyrie eleison,

Pater noster, &c.

℣. Et ne nos inducas in tentationem.

℞. Sed libera nos à malo.

℣. Adoramus Te Christe & benedici-  
mus Tibi.

℞. Quia Per sanctam Crucem rede-  
misti mundum.

℣. Domine exaudi orationem meam,

℞. Et clamor meus ad te veniat,

### O R E M U S.

**D**omine JESU Christe, qui hora  
 sexta Pro redemptione mundi Cru-  
 cis



eis patibulum ascendisti & Sangvinem  
tuum pretiosum, in remissionem pecca-  
torum nostrorum fudisti, Te humiliter  
deprecamur, ut post obitum nostrum,  
Paradisi januas nos gaudeater introire  
concedas.

**Q**Uæsumus clementiam tuam, ut nos  
famulos tuos gratia tua confirma-  
re digneris: ut in hora mortis nostræ,  
non prævaleat contra nos adversarius  
noster; sed cum Angelis tuis transi-  
tum habere mereamur ad vitam æter-  
nam, Qui vivis & regnas &c.

**O R A T I O N E S**

*ad VULNERA CHRISTI.*

**R**Ogo Te Domine JESU, per illa  
salutifera Vulnera tua, quæ passus  
es in Cruce pro salute nostra, è quibus  
emanavit ille pretiosus Sanguis, quò  
sumus redempti, vulnera hanc animam  
meam peccatricem, pro qua etiam mori  
dignatus es, vulnera eam ignocō & po-  
tentissimò telò tuæ nimis charitatis.

**Confige**

Confige cor meum, jaculò tui amoris,  
 ut dicat tibi anima mea, charitate tua  
 vulnerata sum, ita, ut ex ipso vulnere  
 amoris tui uberrimæ fluant lacrymæ  
 die ac nocte. Percute Domine; percutere  
 obsecro durissimam mentem meam, pla  
 & vallda cuspidè dilectionis tuæ, &  
 altius ad intima penetra potenti vir-  
 tute. Qui vivis & regnas cum DEO  
 Patre &c.

*Duæ Orationes S. BRIGITTÆ, ad lon-  
 gitudinem & profunditatem  
 Vulnerum Christi.*

## I.

**O** JESU Alpha & Omega, vita &  
 virtus, in omni tempore recorda-  
 re, quod à summo capitis, usque ad  
 plantam pedis te pro nobis in aqua  
 Passionis tuæ demersisti. Propter la-  
 titudinem, & longitudinem vulnerum  
 tuorum, doce me per veram charita-  
 tem, custodire latum mandatum tu-  
 um nimis, in peccatis demersum, A.

*Pater noster, Ave Maria &c.*

## II.

## II.

**O** JESU abyssus profundissima misericordiae, rogo Te propter profunditatem vulnerum tuorum, quæ pertransierunt medullam ossium, ac viscerum tuorum: ut me submersum in peccatis emergas, abscondasque me, in foraminibus vulnerum tuorum à facie iræ tuæ, donec pertranseat furor Tuus Domine, Amen.

## O R A T I O

*Ad JESUM Salvatorem.*

**D**EUS, qui pro redemptione mundi voluisti nasci, circumcidi, à Judæis reprobari: à Juda traditore osculò tradi, vinculis alligari, sicut Agnus innocens ad victimam duci, atque conspectibus Annæ, Caiphæ, Pilati, & Herodis indecenter offerri, à falsis testibus accusari, flagellis & opprobriis vexari, sputis conspuì, spinis coronari, colaphis cædi, arundine percuti, facie velari, vestibùs exul, Cruci clavis affigi, in Cruce levari,  
C inter

inter latrones deputari, felle & acetō  
potari, & lanceā vulnerari. Tu Do-  
mine, per has sanctissimas pœnas tu-  
as, quas ego indignus recolo, & per  
sanctam Crucem & mortem tuam, li-  
bera me à pœnis Inferni, & perducere  
digneris, quò perduxisti latronem tecū  
crucifixum, Qui Cum Patre & Spiritu  
Sancto vivis, & regnas in sæcula sæcu-  
lorum, Amen.

*Devotissimus quotidie sacratissima  
quinque vulnera Domini nostri  
JESU CHRISTI  
salutandi modus.*

## I.

**D**ulcissime JESU, adoro Vulnus  
Manus tuæ dextræ, da mihi quæso  
victoriam de me ipso, & gratiam ex-  
tirpandi ex corde meo omnia vitia, &  
inclinationes malas. Recommendo tibi  
in hoc vulnus, universalem Sanctæ Ec-  
clesiæ statum, conversionem infidelium  
& reductionem ad eandem omnium  
Hæreticorum.

*Pater*

*Pater noster, Ave Maria &c.*

## II.

**P**atientissime JESU, adoro Vulnus manus tuæ sinistræ. Rogo Te, da mihi patientiam in omnibus adversitatibus, largire mihi fortitudinem in extremo vitæ momento, & gratiam evitandi mortem æternam. In idem vulnus tuum sacrosanctum, commendo tibi tuos utriusq; sexûs fideles.

*Pater noster, Ave Maria &c.*

## III.

**A**mabilissime JESU, adoro Sacratissimum Vulnus pedis tui dextri. Da mihi quæso gratiam progrediendi semper in melius in via tuorum sacratissimorum mandatorum, in operibus bonis, & augmento omnium virtutum, secundum tuam sanctissimam & divinam voluntatem. In idem sacratissimum vulnus, commendo Tibi omnes Ecclesiasticos, & utriusque sexûs Religiosos.

*Pater noster, Ave Maria &c.*

## Ca

## IV.

**B**enignissime JESU, adoro sacratissimum Vulnus pedis tui sinistri. Obsecro te, libera me ab omnibus periculis tam animæ, quàm corporis, & da mihi gratiam effugiendi omnia peccata & peccandi occasiones. In idem vulnus sacratissimum, recom-mendo Tibi omnes meos Benefactores, propinquos, amicos, inimicos, & omnes omnino pro quibus orare teneor.

*Pater noster, Ave Maria &c.*

V.

**A**ma-bilissime & Misericordissime JESU, indignissimus ego in tuo conspectu peccator, adoro & exosculor Vulnèra Sacratissimorum Lateris, Cordis, & Humeri tui. Oro humiliter, ut ardentissimo Tuo amore me incendas, ut omni inordinato affectu, ad quas-cunq; creaturas derelicto, tu solus semper cor meum inhabites. Commendo his sacratissimis vulneribus tuis omnes animas, quæ in purgatorio detinentur.

*Pater*



*Pater noster, Ave Maria, Credo.*

ORATIO Ad S.SINDONEM.

ANTIPHONA.

**O** Magnum Myſterium! ô profundiffima  
Vulnera! ô Paſſio acerbiffima! dulce-  
do Deitatis, adjuva me ad æternam  
felicitatem conſequendam.

*W. Tuam Sindonem adoramus Domine.*

*R. Tuam recolimus ſanctam Paſſionem.*

O R E M U S.

**D**EUS, qui nobis in Sancta Sindo-  
ne, quâ Corpus tuum Sacratiffi-  
mum de Cruce deſcriptum à Joſeph  
involutum fuit, Paſſionis tuæ veſtigia  
reliquiſti, concede propitius, ut per  
mortem & ſepulturam tuam, ad re-  
ſurrectionis gloriam perducamur. Qui  
vivis & regnas in ſæcula ſæcu-  
lorum, Amen.

*Oratio pro Defunctis.*

**A**ve benigniffime Domine JESU  
Chriſte, qui nunc florens, & amœ-  
nus reſplendes in gloria Divinæ Maje-  
ſtatis, & decore perpetuæ immortalita-

tis, ego qui omnium creaturarum extrema sum, ad pedes tuos humiliter procido, & devotissimè te adorans, cuique solius laudem, & gloriam ex intimis cordis, & animæ medullis desiderans, & siliens, peto à te ô amantissime JESU ut in hac die animas omnium Spiritualium, & specialium tuorum à pœnis absolvere, & æternis gaudiis sociare digneris. Sed & pro animabus meorum Primogenitorum, Benefactorum, amicorum, vel alias mihi conjunctorum, & commissorum, humiliter Tuam exoro clementiam, ut earum reminisci, pœnasque earum rore tuæ misericordiæ vel mitigare, vel ad plenum extinguere digneris. Ad quod citius obtinendum, mortem tuam acerbissimam offero, & in unione innocentissimæ ejusdem tuæ Passionis, & mortis indignissimus ego peccator, tibi Regi Regum Domino, cum affectu adstans, præbeo tibi totam substantiam mei corporis, & animæ, ad serviendum  
tibi,

tibi, quoad vixero pro voluntate tua,  
& colendæ Majestatis tuæ gloria.  
Offero tibi in eadem unione omnem  
tolerantiam cordis & corporis mei,  
quam in adversitatibus, & infirmitati-  
bus meis, unquam pertuli, aut perse-  
ram, & me totum Divinæ tuæ Pictati  
præbeo, & offero ad tolerandum in  
corde, & corpore, quæcunq; tibi pla-  
cita fuerint, pro eo; ut animas illas à  
Purgatorii pœnis liberare, plenamq; il-  
lis beatitudinem conferre digneris. Ec-  
ce flecto genua ante te, Domine, veni-  
am pro illis humiliter postulans, &  
misericordiam, da illis Domine, refri-  
gerium in tormentis suis: erue eas à  
Pœnis, & optabili vultus tui manifesta-  
tione eas exsulta, ut consolatæ replcan-  
tur laude, & magnitudine, & benedi-  
cant Nomini Tuo in sæcula sæculo-  
rum, Amen.

*Oratio efficax pro iisdem.*

**M**iserere piissime JESU animabus  
in purgatorio detentis, pro quibus  
redi-

redimendis humanam naturam assumptiſſi mortemq; amariffimam ſubliſti. Miſerere gemituum, miſerere lachrymarum, quas ad te fundunt, & per virtutem Paſſionis tuæ condona eis pœnas peccatis ipſarum debitas. Deſcendat Piſſime JESU Sanguis tuus in purgatorium, & recte refrigeretque omnes ibi captivas ac patientes. Porrigere eis dexteram & duc eas in locum refrigerii, lucis, ac pacis, Amen.

*Ad Devotos erga Animas  
Purgatorii.*

**P**lacuit ſuæ Sanctitati concedere, ut omnes ſupra prædictæ Indulgentiæ Animabus in Purgatorio detentis applicari poſſint. Et ideo quilibet hunc fructuoſum laborem, hanc Coronam orandi ſuſcipere non gravetur, illud conſiderans, quod S. Auguſtinus in ſermone de Sanctis dicit: quod ſcilicet humanus intellectus comprehendere non valeat pœnas flammarum Purgantium. Plus de iſis ſcribit Chriſtus. Quod  
animæ

animæ Purgatorii libentius omnes pœnas à mundi initio usq; ad finem ab hominibus toleratas, & sufferendas sustinere vellent, quàm unâ die in Purgatorio torqueri. Compatere igitur his animabus; nam qui afflicto proximo compatitur; malâ morte non morietur, juxta S. Hieronymum, ad suum Consanguineum. Non potest autem major compassio esse, quàm animabus Purgatorii succurrere. Quàm gratum hoc DEO sit, testantur gratiæ, & favores à DEO erga has Animas devotis exhibiti, Quod ipsum in tract: de jubilæo, *part. 1. cap: 13.* Hieronymus Gratianus ostendit, dum dicit: exivisse Vagellodildi ex quodam cœmeterio, permitte DEO, magnum numerum animarum hominum defunctorum, quæ, quendam sibi devotum, ab inimicis suis interficiendum, defenderunt. P. Alexius Regala, in libro Triumphorum Animarum Purgatorii, cap: 7. narrat: Animas has quendam alium sibi

sibi devotum, praelucentibus facibus, illo non advertente, domum duxisse, & cum domum attigisset, vocem audiam: Vade in pace: nos sumus Animæ defunctorum, quæ te comitatæ fuimus; ne ab inimicis tuis interficereris. In speculo Exemplorum § 8. Meminit Henricus Gratianus, Eusebium Ducem ex Sardinia, in harum Animarum subsidium, medietatem proventuum ditissimæ Civitatis impendisse; quæ cum Ostorigo Duce Siciliæ expugnata fuisset, & hic dum eam cum 6000. militum intrare vellet, totus Ostorigi exercitus ab animabus Purgatorii candidè vestitis in fugam actus, & rursus Civitas Eusebio restituta fuerit. Ex his collige, quàm misericors DEUS sit erga illos, qui erga has animas sunt misericordes.

Quapropter, ô anima Christiana, juva eas per eleemosynas, jejunia, disciplinas, offertoria, communionem, orationes, & alia pia opera, præsertim  
Indul.



Indulgentias, quæ huic Coronæ sunt annexæ, labora etiam, ut alii idem peragant; felix enim est, quisquis huic devotioni erga defunctorum Animas studet. Felix illa familia, Domus, & Civitas, quæ his patientibus succurrere conatur. Spem namq; sibi faciunt, quod harum Animarum precibus, a temporalibus, & æternis, corporalibus, & spiritualibus periculis, & miseriis defendentur, in DEI gratia vivant, & morientur nec sentientes Purgatorii ignem, vitam æternam obtinebunt.

*Medi-*

Utinā homines. Deut. 32.

Meditatio Compendiosa,  
ac devotissima.

Malum commissum.

Saperent Præterita: Bonum omisum.

Tempus amisum.

Vitæ brevitatem.

Intelligerēt Præsētia: Salvādi difficultatē.

Salvandorū paucitatē.


Mortem, qua nihil miserabilius.

Providerent Futura: Judicium, quo nihil  
terribilius.

Poenam inferni, qua  
nihil intolerabilius.

Bibl. 480.

Biblioteka Jagiellońska



stdr002499



